



საჯარო სამართლის იურიდიული პირი
ილიას სახელმწიფო უნივერსიტეტი

ბრძანება



ქ. თბილისი

N 37-03

21/01/2026

2025-2026 სასწავლო წლის გაზაფხულის სემესტრისათვის ილიას სახელმწიფო უნივერსიტეტის სტუდენტების სხვა ფაკულტეტიდან/სკოლიდან მეცნიერებათა და ხელოვნების ფაკულტეტზე და მეცნიერებათა და ხელოვნების ფაკულტეტის ფარგლებში შიდა მობილობის ვადების დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის 1-ლი პუნქტის, საქართველოს განათლებისა და მეცნიერების მინისტრის 2013 წლის 11 სექტემბრის №134/ნ ბრძანებით დამტკიცებული „საჯარო სამართლის იურიდიული პირის ილიას სახელმწიფო უნივერსიტეტის“ წესდების მე-18 მუხლის მეექვსე პუნქტისა და საქართველოს განათლებისა და მეცნიერების მინისტრის 2010 წლის 4 თებერვლის N10/ნ ბრძანებით დამტკიცებული წესის მეორე მუხლის მე-4 პუნქტის, მეოთხე მუხლის მე-3 პუნქტისა და უნივერსიტეტის აკადემიური საბჭოს 2015 წლის 16 ივნისის N7 სხდომაზე დამტკიცებული ილიას სახელმწიფო უნივერსიტეტში სტუდენტის/პროფესორული სტუდენტის სტატუსის მარეგულირებელი წესის მეხუთე მუხლის საფუძველზე, მეცნიერებათა და ხელოვნების ფაკულტეტის დეკანის 2026 წლის 16 იანვრის N542-35 სამსახურებრივი ბარათის გათვალისწინებით

ვბრძანებ

1. ილიას სახელმწიფო უნივერსიტეტის მეცნიერებათა და ხელოვნების ფაკულტეტზე 2025-2026 სასწავლო წლის გაზაფხულის სემესტრისათვის შიდა მობილობა გამოცხადდეს პირველ დანართში მითითებულ პროგრამებზე;
2. ილიას სახელმწიფო უნივერსიტეტში 2025-2026 სასწავლო წლის გაზაფხულის სემესტრისათვის შიდა მობილობის შესახებ სტუდენტთა მიერ განცხადებების დაწერის ბოლო ვადა განისაზღვროს 2026 წლის 13 თებერვლის 18:00 საათის ჩათვლით;
3. სტუდენტთა მიერ ილიას სახელმწიფო უნივერსიტეტში 2025-2026 სასწავლო წლის გაზაფხულის სემესტრისათვის შიდა მობილობის შესახებ განაცხადი უნდა გაკეთდეს სასწავლო პროცესის მართვის ელექტრონული სისტემა „არგუსი“-ს საშუალებით;
4. მეცნიერებათა და ხელოვნების ფაკულტეტზე სხვა ფაკულტეტიდან/სკოლიდან საბაკალავრო საფეხურზე გადამსვლელ სტუდენტთათვის განისაზღვროს 30 ვაკანტური ადგილი. ამ რაოდენობაში არ შედის მეცნიერებათა და ხელოვნების ფაკულტეტის ფარგლებში ამავე ფაკულტეტის სტუდენტთათვის განსაზღვრული ადგილები და ამასთანავე, საბაკალავრო პროგრამებზე „გრაფიკის ხელოვნება (ძირითადი და დამატებითი სპეციალობა)“, „გამოყენებითი ხელოვნება - მხატვრული კერამიკა საჯარო სივრცეებისთვის (ძირითადი და დამატებითი სპეციალობა)“ და „მუსიკა (ძირითადი და დამატებითი სპეციალობა)“ მობილობებისათვის განკუთვნილი ვაკანტური ადგილები;
5. მეცნიერებათა და ხელოვნების ფაკულტეტზე სხვა ფაკულტეტიდან/სკოლიდან საბაკალავრო საფეხურზე გადასვლის მსურველი პირების რეიტინგი დგება ერთიანი ეროვნული გამოცდების სკალირებული ქულების საფუძველზე;
6. 2025-2026 სასწავლო წლის გაზაფხულის სემესტრისათვის მეცნიერებათა და ხელოვნების ფაკულტეტზე სხვა ფაკულტეტი/სკოლიდან საბაკალავრო პროგრამებზე „გრაფიკის ხელოვნება (ძირითადი და დამატებითი სპეციალობა)“ და „გამოყენებითი ხელოვნება - მხატვრული კერამიკა საჯარო სივრცეებისთვის (ძირითადი და დამატებითი სპეციალობა)“ გადმომსვლელ საბაკალავრო საფეხურის სტუდენტთა ვაკანტური ადგილების რაოდენობა განსაზღვროს 10-ით, ხოლო საბაკალავრო პროგრამაზე „მუსიკა (ძირითადი და დამატებითი სპეციალობა)“ გადმომსვლელ საბაკალავრო საფეხურის სტუდენტთა ვაკანტური ადგილების რაოდენობა განსაზღვროს 5-ით;

7. მეცნიერებათა და ხელოვნების ფაკულტეტის საბაკალავრო პროგრამებზე „გამოყენებითი ხელოვნება – მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“; „გრაფიკის ხელოვნება (ძირითადი და დამატებითი სპეციალობა)“; „მუსიკა (ძირითადი და დამატებითი სპეციალობა)“, მობილობისთვის აუცილებელია შიდასაუნივერსიტეტო შემოქმედებითი ტურის ეტაპის წარმატებით დასრულება. შიდასაუნივერსიტეტო შემოქმედებითი ტურის ვადების და თარიღების შესახებ ინფორმაცია დამატებით განთავსდება უნივერსიტეტის ვებ. გვერდზე, შესაბამისი პროგრამის ნაწილში;

8. სხვა ფაკულტეტი/სკოლიდან მეცნიერებათა და ხელოვნების ფაკულტეტის საბაკალავრო პროგრამებზე „გამოყენებითი ხელოვნება – მხატვრული კერამიკა საჯარო სივრცეებისათვის (ძირითადი და დამატებითი სპეციალობა)“; „გრაფიკის ხელოვნება (ძირითადი და დამატებითი სპეციალობა)“; „მუსიკა (ძირითადი და დამატებითი სპეციალობა)“, გადასვლის მსურველი იმ პირების რეიტინგი, რომლებიც წარმატებით დაასრულებენ ამ ბრძანების მე-7 პუნქტით განსაზღვრულ შემოქმედებით ტურს, დგება შიდასაუნივერსიტეტო შემოქმედებითი ტურის შედეგების საფუძველზე;

9. 2025-2026 სასწავლო წლის გაზაფხულის სემესტრისათვის მეცნიერებათა და ხელოვნების ფაკულტეტის პროგრამებზე „ფსიქოლოგია (ძირითადი და დამატებითი სპეციალობა)“ და „ანგლისტიკა (ძირითადი და დამატებითი სპეციალობა)“ შიდა მობილობა გამოცხადდეს მხოლოდ ამავე ფაკულტეტის სტუდენტთათვის;

10. 2025-2026 სასწავლო წლის გაზაფხულის სემესტრისათვის მეცნიერებათა და ხელოვნების ფაკულტეტზე პროგრამაზე „ფსიქოლოგია (ძირითადი და დამატებითი სპეციალობა)“ ვაკანტური ადგილების რაოდენობა განსაზღვროს 10- ით, ხოლო პროგრამაზე „ანგლისტიკა (ძირითადი და დამატებითი სპეციალობა)“ 5- ით. აღნიშნულ რაოდენობებზე მეტი განაცხადის მიღების შემთხვევაში, მეცნიერებათა და ხელოვნების ფაკულტეტზე სწავლების საბაკალავრო საფეხურზე მობილობის საშუალება ექნება პრეტენდენტთა სკალირებული ქულის მიხედვით შედგენილი რეიტინგის პირველ 10 და 5 კანდიდატს;

11. 2020-2021 სასწავლო წელს და შემდგომ ილიას სახელმწიფო უნივერსიტეტის საბაკალავრო საფეხურზე ჩარიცხულ სტუდენტებს, უფლება მიეცეთ მეცნიერებათა და ხელოვნების ფაკულტეტზე განახორციელონ შიდა მობილობა დანართი 2-ში განსაზღვრული პირობების შესაბამისად;

12. 2020-2021 სასწავლო წელს და შემდგომ ჩარიცხულმა შიდა მობილობის მსურველმა პირებმა, რომლებიც შიდა მობილობას ახორციელებენ იმ პროგრამაზე, რომელიც მესამე ან/და მეოთხე საგნად ითხოვს, იმ საგნისგან განსხვავებული გამოცდის ჩაბარებას, რომლითაც ისინი ჩარიცხნენ ილიას სახელმწიფო უნივერსიტეტში, საჭიროების შემთხვევაში, ფაკულტეტის მოთხოვნის საფუძველზე, უნდა წარმოადგინონ ცნობა გამოცდების ეროვნული ცენტრიდან მიმღებ პროგრამაზე საჭირო მესამე ან/და მეოთხე გამოცდის/გამოცდების წარმატებით ჩაბარების შესახებ გამოცდებში მიღებული ნედლი ქულის მითითებით;

13. ის სტუდენტები, რომლებიც სსიპ ილიას სახელმწიფო უნივერსიტეტში საბაკალავრო საფეხურზე ჩარიცხნენ კანონმდებლობით დადგენილი წესით, ერთიანი ეროვნული გამოცდების გავლის გარეშე, შიდა მობილობაში მონაწილობას მიიღებენ კონკურსგარეშე და არ იქნებიან გათვალისწინებული ვაკანტური ადგილების რაოდენობაში;

14. მეცნიერებათა და ხელოვნების ფაკულტეტის სამაგისტრო საფეხურზე შიდა მობილობა ცხადდება მხოლოდ ამავე ფაკულტეტის სტუდენტთათვის;

15. სამაგისტრო საფეხურზე შიდა მობილობისას დაცული უნდა იქნას ის წინაპირობები, რაც დადგენილია სამაგისტრო პროგრამებზე მიღებისთვის;

16. მეცნიერებათა და ხელოვნების ფაკულტეტის მიღევად პროგრამაზე მობილობის შესაძლებლობას განსაზღვრავს მეცნიერებათა და ხელოვნების ფაკულტეტი და დაუყოვნებლივ აცნობებს მიღებულ გადაწყვეტილებას მობილობის მსურველ პირს, რათა მან სურვილის შემთხვევაში, შეძლოს სხვა ფაკულტეტზე ან პროგრამაზე გადასვლა;

17. შიდა მობილობის შესახებ განცხადებების განხილვისა და შესაბამისი დასკვნების სტუდენტთათვის გაცნობის და მათი მხრიდან დასკვნებზე ხელმოწერის ბოლო ვადად განისაზღვროს 2026 წლის 26 თებერვალი;

18. დაევალოთ ფაკულტეტებს/სკოლას, შიდა მობილობის შესახებ შესაბამისი სამსახურებრივი ბარათი იურიდიული სამსახურის წარუდგინოს 2026 წლის 2 მარტამდე;

19. იმ სტუდენტთა მონაცემები, რომლებიც შიდა მობილობას ახორციელებენ იმ საგანმანათლებლო პროგრამებიდან, რომლის საფასური სრულად ფინანსდება სახელმწიფოს მიერ, იურიდიულ სამსახურს ამ ბრძანებით დადგენილ ვადებში მიეწოდოს ინდივიდუალურად;

20. უნივერსიტეტის იურიდიული სამსახურის მიერ შიდა მობილობის შესახებ ბრძანების პროექტის მომზადების ბოლო ვადად განისაზღვროს 2026 წლის 6 მარტი;

21. დაევალოს მეცნიერებათა და ხელოვნების ფაკულტეტს, არგუსსა და განათლების ხარისხის განვითარების ეროვნული ცენტრის ერთიანი სტუდენტური რეესტრის მონაცემთა ბაზაში შიდა მობილობის შედეგების ასახვა შიდა მობილობის შედეგების შესახებ ბრძანების გამოცემიდან 1 დღის ვადაში;

22. შიდა მობილობის პროცესზე პასუხისმგებელ პირებად განისაზღვროს მეცნიერებათა და ხელოვნების ფაკულტეტის დეკანი;

23. მეცნიერებათა და ხელოვნების ფაკულტეტის მიერ მომზადებული დასკვნებსა და წარმოდგენილ დანართში მითითებულ პროგრამის სახელწოდებების სისწორეზე პასუხისმგებელ პირებად განისაზღვრონ ფაკულტეტის დეკანი და პირი, რომელიც ამზადებს შესაბამის დასკვნას;

24. მეცნიერებათა და ხელოვნების ფაკულტეტის დეკანს დაევალოს, ფაკულტეტზე შექმნას ჯგუფი, რომელიც მოახდენს შიდა მობილობის პროცესის უზრუნველყოფას;

25. მეცნიერებათა და ხელოვნების ფაკულტეტს დაევალოს უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის;

26. საინფორმაციო ტექნოლოგიების სამსახურს დაევალოს, ამ ბრძანებაში მითითებული ინფორმაციის მიწოდება სტუდენტებისათვის სასწავლო პროცესის მართვის ელექტრონულ სისტემა „არგუსი“-ს საშუალებით;

27. მეცნიერებათა და ხელოვნების ფაკულტეტს დაევალოს, უზრუნველყოს შიდა მობილობის პროცესში მონაწილე სტუდენტთა თავსებადობის დასკვნების მიწოდება საინფორმაციო ტექნოლოგიების სამსახურისთვის, შიდა მობილობის შედეგების ბრძანების გამოცემიდან სამი სამუშაო დღის ვადაში;

28. უნივერსიტეტის საზოგადოებასთან ურთიერთობის სამსახურს დაევალოს უზრუნველყოს ამ ბრძანებაში მითითებული ინფორმაციის მიწოდება სტუდენტებისათვის ყველა შესაძლო საშუალებით;

29. დაევალოს უნივერსიტეტის კანცელარიას, ეს ბრძანება გააცნოს ფაკულტეტებს/სკოლას, ბიუჯეტირებისა და ფინანსური ანალიზის სამსახურს, შემოსავლების აღრიცხვისა და ანალიზის დეპარტამენტს, ხარისხის უზრუნველყოფის სამსახურს, რექტორის აპარატს, იურიდიულ სამსახურს, საზოგადოებასთან ურთიერთობის სამსახურს, საგარეო ურთიერთობების სამსახურს, საინფორმაციო ტექნოლოგიების სამსახურს, საერთაშორისო სტუდენტებისა და პროგრამების მარკეტინგის სამსახურს, ადმინისტრაციული პროცესების კოორდინაციისა და მართვის სამსახურს, სტუდენტურ საქმეთა დეპარტამენტს.

ნინო დობორჯგინიძე

რექტორი

